



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Doctrinae Saxoniarvm Ecclesiarvm, Scripta
Anno Domini M. D. LI. Vt Synodo Tridentinae Exhiberetvr**

Melanchthon, Philipp

Lipsiae, 1554

VD16 C 4808

De Doctrina.

urn:nbn:de:hbz:466:1-35345

doctrinam & cæremonias Ecclesiarum nostrarum, ita & nunc eandem commemorationem, sine ambiguitate & sine corruptelis exhibemus: in qua satis conspicient omnes uerè iudicantes hoc tempore, & ad posteros, nos fideliter retinere consensum Ecclesiæ catholice Domini nostri IESV Christi, & illustrare doctrinam necessariam ad agnitionem filij Dei, & ad salutem hominum: & non mouere curiosas aut inutiles quæstiones. Et offerimus nos ad piam declarationem, in quacunq; parte flagitabitur.

DE DOCTRINA.

CVm certissimum sit, Deum sibi in genere humano, propter Filium, & per eum, colligere æternam Ecclesiam uocè doctrinæ, quæ scripta est in libris Prophetarum & Apostolorum: affirmamus clare coram Deo & uniuersa Ecclesia in celo & in terra, nos uera fide amplecti omnia scripta Prophetarum & Apostolorum: & quidem in hac ipsa nativa sententia quæ expressa est in Symbolis, Apostoli co, Niceno & Athanasiano.

Et hæc ipsa Symbola, & eorum nativam sententiam sine corruptelis semper constanter amplexi sumus, & Deo iuuante, perpetuo amplectemur. Et in hac fide uerum Deum, qui se patefecit in Ecclesia sua misso filio, & additis, illustribus testimonijs inuocamus, coniuncta precatione nostra, cum omnibus sanctis in cœlo & in terra.

Et extant nostræ enarrationes in Symbola, comprehendentes totum doctrinæ corpus & fundamentum, quæ ostendunt hanc nostram asseueratiōem uerissimam esse.

Damnamus etiam constantissimè omnes furores, qui pugnant cum Symbolis: ut sunt Ethnicorum, Iudæorum, Mahometistarum, Marcionis, Manichæorum, Samosateni, Serueti, Arij, Pneumatomanorum, portentosæ opinione, & aliae, condemnatae ueris Ecclesiæ iudicijs.

Cum autem controuersiæ quæ exortæ sunt, præcipue pertineant ad duos articulos Symboli, uidelicet ad articulum, CREDENDO remissionem peccatorum: Item, CREDENDO Ecclesiam sanctam catholicon:

cam: Ostendemus fontes harum controveriarum, quibus consideratis, intelligi poterit, nostras declarationes ipsam Euangelij uocem esse, & ab Aduersarijs corruptelas in Ecclesia sparsas esse. Ac primum de articulo,

Credo remissionem peccatorum.

Hic multæ & magnæ corruptelæ affinguntur ab Aduersarijs: Credo, imò dubito, inquiunt: Item Tunc credam, cum satis habebo meritorum: Item non dicunt, Credo remissionem propter filium Dei certò dari gratis, non propter nostra ulla merita, aut ullam dignitatem nostram: Item non rectè enarrant peccatum, & fingunt hominem legi Dei satisfacere posse, & legis impletioe iustum esse coram Deo in hac uita. Ideo primum de peccato, & de cauissa peccati, fideliter retinemus doctrinam ueræ Ecclesiæ Dei.

Cum essentia diuina sit unica, æternus Pater, coæternus Filius imago Patris, & coæternus Spiritus sanctus, à Patre & Filio procedens, immensæ sapientiæ, potentiæ, bonitatis, uerax, iusta, benefica, casta, liberrima, sicut ipsa describit se in lege sua:

sua: & condiderit angelos & homines
ideo, ut suam lucem, sapientiam & boni-
tatem in omni æternitate eis communica-
ret, & ut essent templo Dei, in quibus De-
us habitaret, ut esset Deus omnia in omni-
bus, ut Paulus loquitur: condidit initio
eos bonos & iustos, id est, congruentes
cum mente & uoluntate diuina, et placen-
tes ipsis: ac dona attribuit, uidelicet illu-
strem noticiam de Deo, & de uoluntate
eius, ut intelligeretur se conditos esse a Deo,
& ad obedientiam ipsis praestandam: attri-
buit & libertatem uoluntatis, ut nomi-
nant: & reuera uoluit obedientiam, sicut
scriptum est, Non Deus uolens iniuncta-
tem tu es. Sed diaboli & homines liber-
tate suæ noluntatis abusi, defecerunt a
Deo, & hac inobedientia facti sunt rei ire
Dei, & amiserunt rectitudinem, in qua
conditi erant.

Itaque libera uoluntas in diabolis & ho-
minibus caufsa fuit eius lapsus, non uo-
luntas Dei, qui nec uult peccatum, nec ap-
probat, nec adiuuat, sicut scriptum est:
Cum mendacium loquitur diabolus, ex
proprio loquitur, & pater est mendacij.

B Et

z. Ioan. 3 Et 1. Ioan. 3. Qui facit peccatum ex diabolico est, quia ab initio diabolus peccat.

Est autem peccatum, quicquid est contrarium iusticiæ Dei, quæ est ordo in mente diuina, quem & postea sua uoce in Legge & in Euangelio expressit: siue fit inobedientia originalis, siue actualis, propter quam & rea est persona iræ Dei, & damnatur æterna pœna, nisi fiat remissio in hac uita propter Filium mediatorem.

Damnamus etiam furores Marcionis, Manichæorum, & similes, pugnantes cum uero consensu Ecclesiæ Dei in hactena quæstione.

DE PECCATO ORIGINIS.

De peccato originis perspicuè etiam affirmamus, nos retinere consensum ueræ Ecclesiæ Dei inde usq; à primis patribus, Prophetis, Apostolis, & ab Apostolorum discipulis, usq; ad Augustinum & deinceps traditum: & expresse damnamus Pelagium, & omnes qui similia deliramenta Pelagianorum in Ecclesiā sparserunt. Ac dicimus omnes homines post lapsum primorum parentum, qui nascuntur